

Ciengqgok Gij “Sing’yaem Ndei” Swnj-cienz Hungzyangz Minzcuz Vwnzva

Mboengqneix, mwh gicej bae daengz Baksak Si Denzlinz Yen caijfangj, ciengz Heiquengh youz Denzlinz Yen Cwnghez vejyenz gag bien gag yienj ndeu gaenq youq gwnz daizheiq Sinhcangh Lozlij Cin caepcawq ndei lo, vunzlai dangdieg caeuxcaux couh daeujdaengz laj daiz caj yawj biujyienj. Biujyienj youz duenh heiq Heiquengh 《Cingz Mehbuz Caeuq Mehbawx》 caeuq gofoux Bouxcuengh 《Fwen Daemjrok》 gapbaenz. Ndawde, 《Cingz Mehbuz Caeuq Mehbawx》 dwg genjaeu gij Heiquengh ndawbiengz, 《Fwen Daemjrok》 dwg gij neiyungz genjaeu heiq haidaiz ciet vwnzva “haeujgamj” Denzlinz bi 2018.

“Bi 2014 daengz seizneix, cwnghez aen yienh neix vih vatcimh, baujhoh caeuq swnjcienz ndei minzcuz vwnzva, dajcauh ok ciet vwnzva ‘haeujgamj’ moix bi gvaq baez haenx. Moix ciengz heiq, moix hot fwen, gij diiq moix aen foux, dajveh dap buhvaq doenghgij neix cungj dwg gij goengrenz gyoengq lingjdauj caeuq vejyenz yen cwnghez. Vangz Vanh boux cujsiz yen cwnghez neix gig yawjnaek gij vwnzva Heiquengh, moix hothoh cungj caenn dang suenqveh caeuq-faenh, baizlien heiq cungj dwg youq gyanghaemh, ngoenzsinghiz caeuq ngoenz cuengqgyaj guh.” Huz Siuyez boux vejyenz yen cwnghez neix youq biujyienj sat le lwnh gicej.

Neix dwg gij sukingj Denzlinz Yen Cwnghez cungfaen fatok gijndei vunzcaiz caeuq dungxcaiz, haeujlaeg saedhengz aen gunghcwngz dajcauh binjbaiz vwnzva, bangdoi minzcuz vwnzva hwngfat.

Haenqrenz dajcauh yenzswngghdai vwnzva binj-baiz Bouxcuengh

Bi 2018 ndwen 5, youq gwnz aen vanjvei haidaiz ciet vwnzva “haeujgamj” Denzlinz, aen vanjvei aeu gij vwnzmingz dajndaem, gij fungsug deihfueng, gij dinfwngz conzdungj guh maedazyinx, doenggyaq heiq, fwen, diuqfoux doenghgij hingzik yisuz neix aeu gij ciengzgingj guhhong, gij dinfwngz daemjrok buen hwnj daizheiq bae, daiq daizheiq ndei yawj daegbied ndeu hawj bouxyawj laj daiz.

Gicej youq mwh caijfangj rox daengz, ciet “haeujgamj” dwg ngoenzciet youqgaenj ndawbiengz Gvangjsih, cezmuuz cujyau dwg doiq fwen. Ciet vwnzva “haeujgamj” caemh dwg daj ngoenz ciet neix sanj okdaej. Bi 2006 ndwen 5 ngoenz 20, Heiquengh ginggvaq Gozvuyen baecinj liedhaeuj buek daih’it guek-gya gaep feihvuzciz vwnzva yizcanj

mingzloeg. Denzlinz Yen dwg dieg-goek Heiquengh baihaek Gvangjsih. Heiquengh baihaek youq Mingzdai hainduj didnyez, youq Cuihcingh seiz Ganghhih dang vuengzdaeq haenx baenz yiengh, daengz seizneix gaenq miz 300 lai bi lizsij lo. Guhlawz cijndaej doidoengh swnjcienz caeuq hwngfat gij minzcuz vwnzva Bouxcuengh, itcig dwg aen vwndiz cwnghez aen yienh neix hengzguh cizcwz cungdenj gvansim haenx.

Geij bi neix daej, cwnghez aen yienh neix cungfaen fatok gijndei vunzcaiz caeuq dungxcaiz, haenqrenz dajcauh gij vwnzva binjbaiz yenzswngghdai Bouxcuengh baenzroix “gij raeuz” neix. Youq gwnz giekdaej bi 2015 yienjok 《Haeujgamj》《Aeu Bawx》 song bouh heiqfoux Bouxcuengh neix ndaej baenz, daj bi 2016 hainduj, cwnghez aen yienh neix lij giethab hengzguh sevi cujyi hwzsinh gyaciz-gvanh, haeujlaeg saedhengz gij gunghcwngz dajcauh vwnzva binjbaiz, dakbaengh aen bingzdaiz ciet Heiquengh “haeujgamj” Denzlinz moix bi gvaq baez neix, doiok gij vwnzva binjbaiz yenzswngghdai Bouxcuengh baenzroix “gij raeuz” neix.

Cwnghez vejyenz bae daengz gihcwngz swnjcienz hwngfat minzcuz vwnzva

Geij bi neix daej, cwnghez aen yienh neix youq doed ok daegsaek Denzlinz, binjbaiz Denzlinz, gojgaeq Denzlinz, vunzcaiz Denzlinz doenghgij fuengmienh neix, itloh aeu doidoengh hwngfat vwnzva dangguh gij neiyungz youqgaenj nyinhcaen guhhong, guh-ok le gunyen youqgaenj.

Daih’it dwg gyagiengz hong swnjcienz feihvuzciz vwnzva yizcanj, caeuq vwnzva bouhmonz guhsat hong cobouh genjcaz caeuq laeb dangjan 1018 hangh feihvuzciz vwnzva yizcanj, ndawde hangh ndeu liedhaeuj guekgya gaep baujhoh mingzloeg, 8 hangh liedhaeuj swcigih gaep baujhoh mingzloeg, daengx yienh gungh miz 26 vunz liedhaeuj gij vunz swnjcienz feihvuzciz vwnzva yizcanj sigaep doxhwnj. Daihngieh dwg cungfaen fatok gij cozyung cwnghez “rom lizsij, bang guenj guek, doxgiet, son vunz”, gonqlaeng bienraiz le 《Minzcuz Vwnzva Denzlinz》(bien Bouxcuengh) (bien Bouxgun) (bien Yauzcuz) sam cek saw neix, okbanj le 《Sawson Heiquengh》《Geiqsaed Gij Hozdung Ciet Heiquengh “Haeujgamj”》 doenghgij saw minzcuz vwnzva neix; bi 2017 ndwen 4, lij banh baenz le Aenhoih Lenzsiz Denh Genz Gvei Sam Swngj (Gih) “Sam Diuz Dah” Ngeihcib It Yienh (Si) Cwnghez, doiq



▲ Denzlinz Yen Cwnghez cujsiz Vangz Vanh (swix ngeih) bae Bazvei Yauzcuz Yangh guh diuyenz Heiquengh.

guhlawz baengh gij swhyenz minzcuz vwnzva yenzswngghdai “sam diuz dah”, gyavaiq haifat lijyouz bangdoi vut gungz gunggeng caeuq hwngfat ginghci ndawbiengz doxyaeng doxdoeng. Daihsam dwg gaenxmaenx doxyau vwnzva, cujciz doih fwen bae gak aen yanghcin guh gij hozdung soengq heiq soengq vwnzva roengz mbanj, lij caeuq Funingz, Lingzyinz doengh aen yienh henzgyawj neix doxyau vwnzva gungh yienj heiq 30 lai ciengz(baez), hawj vunzlai dangdieg haenhndeih nyauznyauz.

“Aen hoihfwen yenzswngghdai youz cwnghez vejyenz gapbaenz neix ndawde miz cwngzyenz 80 lai vunz, moix bi cungj roengzbae daengz gak aen yanghcin banh cibgeij ciengz biujyienj, gij neiyungz fwen cungj dwg Vangz Vanh cujsiz gag bien gag daujyenj.” Denzlinz Yen Cwnghez vejyenz Cinz Senhshw dwg boux ganbu guh gij hong vwnzyi Denzlinz, haujlai bi daej, de caeuq haujlai cwnghez vejyenz doxcaez gaenx haeujbae daengz yanghcin gihcwngz, son bienbaiz caeuq cauhyu Heiquengh, bangdoi Heiquengh lajmbanj hwngfat, caemhcai q gag bien gag daujyenj gij dijcauh yinhld minzcuz dangdieg gagmiz daegsaek haenx, yungh gij daegsaek gofoux minzcuz dangdieg cauhyu, hawj gij vwnzva conzdungj minzcuz maenhndeih youq gak aen yanghcin caeuq hagdangz cungj ndaejdaengz gvangqlangh swnjcienz caeuq hwngfat.

Comzgiet gij rengz vwnzva doidoengh vwnzva leih lwgminz

“Dou yungh gij fuengsik gofoux conzdungj vunzlai maij yawj maij

dingq haenx senhconz gij fuengcim, cwngcwz aen dangj, gyoengqde gig haengj ciepsouh. Dou yungh Vahcuengh bienraiz sawfwen, maqmuengh yungh cungj fuengsik yienghneix aeu gij vwnzva conzdungj Bouxcuengh swnjcienz roengzbae.” Vangz Vanh naeuz.

Cwnghez aen yienh neix gaenxmaenx fatok gij cozyung minzcuj doxyaeng, doed ok gij binjbaiz “vwnzva leih lwgminz, vejyenz guh gonq”, dingjmaenh cwngfuj daiqdaez dazyinx, ndawbiengz caeuqfaenh, caez hwnj caez yungh, roengzrenz bae dazyinx vwnzva swhyenz ngengcoh lajmbanj, doidoengh daengx yienh gak cuz vunzlai sim doxdoengz yungjhu dangj, doxgiet buekguh baenaj.

Denzlinz Yen Cwnghez cujciz haiguh le gij hengzdoengh son cauhyu Heiquengh bangrenz “vwnzva banggungz”, hwnjguh daizheiq caeuq ransaw bouxgunhaz lajmbanj hawj lajmbanj, caemhcai q bang guhhung aen duenz Heiquengh, yungh heiq ciengqgok gij “sing’yaem ndei Denzlinz”. Seizneix, doenghgij duenz yienjheiq honghoengq daengx yienh gaenq miz daengz 114 aen, bouxyienj yienjheiq mauhgvaq 3000 vunz, caemhcai q hwnjguh miz daizheiq lajmbanj 106 aen, Lucwngz Cunh, Dunglung Cunh doengh aen cunh neix miz buek duenz yienjheiq ndeu ndaej Swcigih Vwnzvadingh fathawj aen cwngheuh “Aen Duenzdoh Vwnzyi Lajmbanj Senhcin Daengx Gih”, daengx yienh lajmbanj gizgiz yienh’ok gij yienghsienq hoengghwd “mbanjmbanj dap daizheiq”.

(Dauz Swhluz Vangz Hozfangh raiz Dahdingz hoiz)